

## **EBIET EMI ATA EDINEN IDO OTODE**

**Ñwed Mbon Rome 2:17-29 3:1-31; 9:30-33.**

### **OYQHỌ UKPEP-ÑKPỌ 382**

#### **Eke Ikpọ Owo**

**IKỌ IBUOT:** “Koro ikpe iditebeke baba owo kiet ke iso Esie kabaña erinam utom ibet, koro ifiok idiok-ñkpọ otode ke ibet” (Ñwed Mbon Rome 3:20).

#### **1. Ubiom-ikpe Jew Emi Otode Ibet**

1. Kpukpru mmọ emi edade idem nte Jew, iduhe uwem nte ibet etemede, Ñwed Mbon Rome 2:17-25; John 5:45.
2. Mme Idut (Gentile) emi minaha mbobi edi  
**enimde ibet, edi ubiom-ikpe enọ mme Jew emi minimke, Ñwed Mbon Rome 2:26, 27; Utom Mme Apostle 10:1, 2.**
3. Owo nditim ñkut ñkpọ ke enyin spirit, akan ndikut  
**enyọñ-enyọñ, ediseinamde owo edi ata Jew, Ñwed Mbon Rome 2:28, 29; John 4:20-24.**

#### **II. Edinen Ido Eke Abasi Ye Ubiom-ikpe Owo**

1. Jew enyene nti ifet, Ñwed Mbon Rome 3:1, 2; 1:16; Utom Mme Apostle 3:25, 26; 13:46; Psalm 147:19,20.
2. Erikpu ndusuk mme Jew idighe koro ndudue odude ke ibet, Ñwed Mbon Rome 3:3, 4; Mme Hebrew 4:2.
3. Edinen ido eke Abasi ayarade ke ubierikpe Esie, Ñwed Mbon Rome 3:5-8; Eriyarare 16:5-7.
4. Owo ikemeke ndinyene utebe-ikpe nto ke nti utom, Ñwed Mbon Rome 3:19, 20; Titus 3:5; Ñwed Mbon Galatia 2:16.
5. Kpukpru owo ema enam idiok, Ñwed Mbon Rome 3:9-18; Psalm 14:1-3; Isaiah 53:6.

#### **III. Utebe-Ikpe Emi Otode Mbuotidem**

1. Edinen ido oto ke mbuotidem, Ñwed Mbon Rome 3:21-28; Habakkuk 2:4.
2. Abasi ọnọ mmọ mbiba Jew ye mme Idut (Gentile) utebe-ikpe oto ke mbuotidem, Ñwed Mbon Rome 3:29-31; Ñwed Mbon Galatia 3:7-10.
3. Israel edue usuñ, Ñwed Mbon Rome 9:30-33.

### **SE EKPEPDE EBAÑA**

#### **Enyọñ-Enyọñ Edise Ñkpọ**

Mme Jew emi ekedade ibet ekpep mmọ efen, ema enyene ubiom-ikpe oto kpa ke ibet oro mmọ ekekpepde. Mmọ ekewuk enyin eseñwed ibet edi idighe eke spirit. Jesus ọkọdọhọ ete, “Ke emi ke mbufo mme Pharisee enanam edem cup ye usan asana; edi esit mbufo ọyọhọye uñwo ye udu” (Luke 11:39). Mmọ eketim etiñ enyin ese mme ñkpri ñkpọ emi owutde idem añwa-añwa, edi, “Enyüñ etrede ndinam ikpọ ñkpọ ibet, ikpe ye mbom, ye mbuotidem” (Matthew 23:23). “Edi eyedọdiok ọnọ mbufo mme Pharisee, koro mbufo esiode ubak ikọnye etidot ye kpukpru oruk ikọñ udia kiet ke itie duop enọ Abasi, enyüñ ekwañade edinen ikpe ye ima Abasi” (Luke 11:42).

Ediwak owo mfin ekot idem mmọ nditọ Abasi, enyüñ esọñọ ke edinam nti utom, edi ekpọñ ikọ erinyaña ukpọñ kpa nte mme Jew emi. Mmọ etañ idem keikọ Abasi, enyüñ enyene nti edu-uwem edi ebuot idem ke enyọñ-enyọñ edinyime Jesus. Mmọ inyeneke ata edikabare-esit. Mmọ inyeneke ifiok mfọn Abasi emi ọkpuhọrede owo, emi akpañwamde mmọ ndidu uwem unana idiok-ñkpọ. Mmọ ekere ete ke idu ke idak ukpeme Iyip Jesus Christ edi enyene ukem ubiom-ikpe idiok-ñkpọ ukem nte mmọ emi minyeneke edinen-

ido ito Abasi. “Afo emi oburede mbure ke ibet, nte emesuene Abasi ke eribiat ibet?” (Nwedi Mbon Rome 2:23).

Ekediño mme Jew eto ke edina mbobi ye enyōn-enyōn edikut nkpo emi ekenode ke Ibet, ukem nte edieke owo Abasi eyo emi okonode mme nkpo efen man owut ete imo idi eke Christ. Mme Jew ema etono ndise mme enyōn-enyōn idiño oro eteke otim owut edinen ido idem mm. Ke nditim nti edieke mm esinede on emi enyenede nyeriye ke ison esie, emi nko etin abana edinen ido idem mm. Yak ise enye ke usu emi: ndusuk ebup owo ete, “Nte afo edi eke Christ?” Enye eyewonore onyū owut idiño emi enye okowukde ke on, onore ete, “Ih! nte afo ukwe idiño mi?”

### **Edinen Ido Eke Esit Idem**

Ke Nwedi emi enode Mbon Rome, Abasi emenere owut mme Jew ete idighe enyōn-enyōn edinim ibet anam owo enyene edinen-ido, nte edina mbobi miworo nkpo ndomo kiet, ke mibohoke enyene edisana uwem. Edieke owo ekerede ete idi Jew, enyenede nkpon-inua ke ndiwut ete imana mbobi, iworo nkpo ndomo kiet, ke mibohoke enye enyene uwem owo Abasi.

Owo ekeme ndidi owo mme Idut (Gentile) emi enyenede edu uwem owo Abasi, edi inaha mbobi nte ekemede ndida mbure mbure. Enye ekeme didie ndidu uwem owo Abasi! Edi koro enye enyenede mbuotidem ke Jesus. Emen ewut ete, edinen-ido asana ye mbuotidem idighe eke utom ibet. Emi edi akpaniko, iwutke me nnyin idi Jew memme Idut (Gentile). Idighe utom ibet ekeme ndinam owo mme Idut (Gentile) edi eke Christ. Owo Jew idinyunikemeke ndibo idaha edu-ukpono Abasi eke mme anditiene-Christ nnyene nto ke ndinam utom ibet, edi oto ke mbuotidem emi enye enyenede ke Christ.

### **Ino Abasi Ubon**

“Oto mbufo ke esuni enyin Abasi ke otu mme Gentile” (Nwedi Mbon Rome 2:24). Editre ndidu uwem mme Jew nkesim idaha emi mm ekepepe on mme Idut (Gentile) ufa ndisuni enyin Abasi. Ke ini David akanamde idiok-nkpo, Nathan, anditin ntim-nim ik ama onore ete “Edi koro afo amada nkpo emi esin mme asua Jehovah etin idiok ik” (2 Samuel 12:14). Ererimbot eyom ndikut mfri Ik Abasi ke uwem mm emi enyimedede enyin Esie. “Yak kpukpru owo emi esemedede ekot enyin On edianare ekpon ukwanke” (2 Nwedi Timothy 2:19). Uwem anditiene-Christ ke itie-utom enyene ndidi enye emi onode Abasi ubon. “Yak kpukpru mm emi esinede ke idak ufin ebat mme ete mm nte owo emi edotde onore ukpono, mbak owo editin idiok adian enyin Abasi ye Ik Abasi eke ekepepe” (1 Nwedi Timothy 6:1). Eno mkparawa iban item ete ema ebe mm, ema ndito mm, enyene eti ibuot, enyene but, etie ke ufok enam nkpo, enyene mfon-ido, enyū esuk idem eno ebe mm: mbak ik Abasi edidia esuene” (Titus 2:4,5).

### **Eti Ifet Eke Mme Jew**

Mme Jew ema enyene eti ifet ekan Mme Idut (Gentile) koro Abasi ekemek mm ndidi usu emi ibet Esie edibede osim ofuri ererimbot. “Ekeyak ik Abasi esin mm ke ubok.” Abasi okono Israel mbet edinen ido emi edade ekara mm. “Ewe akamba idut odu emi enyenede edinen ewuh ye item, ebiet ofuri nwed mbet emi ami ntimde ke iso mbufo mfin emi?” (Deuteronomy 4:8). Mm ema efok Ibet, okposuk edi, ama ada erinyana osok mm oro ekenimde ke akpaniko oto ke mbuotidem emi mm ekenyenede ke Jesus Christ. “Kpukpru nnyin idiyo nte eron: kpukpru nnyin ikabare iduk ke usu nnyin” (Isaiah 53:6). “Koro kpukpru owo ema enam idiok-nkpo, enyū etaba ubon Abasi” (Nwedi Mbon Rome 3:23).

### **Mbuotidem Ye Editre Ndibuot Idem**

“Onore didie ndien, edieke ndusuk mm mikanamke akpaniko, nte unana akpaniko mm edinam akpaniko Abasi okpu?” (Nwedi mbon Rome 3:3). Edu mbubik ye unana editre ndidu uwem ndusuk owo nsim idaha Eti-mbuk, iwutke ke baba usu ndomo kiet unana ukeme mm efen ndidok nkesim idaha oro. Nte nnyin iyewonore ise mm oro enyenede ntak urua ke mbubehe mm inyū idon ite edi okposon nkpo mmim ndikut ufon? Nte nnyin ikpanyan ubok iwut okuk emi mifonke inyū idon ite ke eti okuk iduhe?

Afia emi otode lily okpuhore ye ata obubit ison, ndien unwana ikan ayama akan ke ekim okoneyo. Ntem nko unwana Eti-mbuk Jesus Christ akayarade ke ini nkim-nkim unana edinim ke akpaniko ndito Israel “Edi ibet odok edi man ndudue ewak ekan: Ediot nte idiok-nkpo awakde, mfon onodi on awak do akan: man nte idiok-nkpo akadade ubon ke mkpa, kpa nte nko mfon akpada ubon oto ke edinen ido, onore nsinsi uwem oto ke Jesus Christ On nnyin”. (Nwedi Mbon Rome 5:20,21). Ibet ekedi ndiyarade idiok-nkpo; Jesus ekedi ndimen idiok-nkpo mfep. “Edi etebe mm ikpe ke ikpiku ke mfon Esie, oto ke erifak emi

odude ke Christ Jesus: emi Abasi okosiode onim ete edi uwa emem ke iyip Esie, oto ke mbuqtidem; man Abasi ayarare edinen ido Esie, sia Enye ke ime osioñode idem efep ke mme idiok-ñkpọ emi owo ekenamde ke ini eke ebede” (Ñwed Mbon Rome 3:24,25).

Owo ikemeke ndinam utom spirit me ndinam se idude ke ibet ke edinam mme utom Ibet, edi iboñoke ke mbuqtidem ke Christ. “Koro ikpe iditebeke baba owo kiet ke iso Esie kabaña erinam utom ibet” (Ñwed Mbon Rome 3:20). Mmọ oro ekedude uwem owo Abasi ke ini ibet, ekenam ntre ke mbuqtidem. Eketebe mme Jew ikpe oto ke mbuqtidem ke idem ini ibet oro, nte kpukpru nti edinen ido otode mbuqtidem. Abasi edi Abasi mme Idut (Gentile)ñko emi etebede mmọ ikpe ke mbuqtidem.

Baba owo kiet ikemeke ndinem Abasi esit nto ke mme nti edu-uwem ye mme nti utom esie. “Edi ke mbuqtidem miduhe, owo ikemeke ndinem Abasi esit” (Mme Hebrew 11:6). Edide Jew, me mme Idut (Gentile), usuñ kiet kpọt odu ndinem Abasi esit, ndien oro oto ke mbuqtidem ke ufak emi Jesus okonode nnyin oto ke mkpa esie ke krọs. Edi okpọsọñ ñkpọ ndidu uwem anditiene-Christ ke odudu idem nnyin. Emi ekeme ndiworo nsu ke mbuqtidem ama ada erinyaña onọ ukpọñ nnyin, ndien Abasi onọ owo ukeme nditre ndinam idiok-ñkpọ.

### MME MBUME

1. Mme Jew ekenyene idorenyin mmọ ke nso?
2. Mme anie ke ikeme ndida edu uwem mme Jew ndomo mfn emi?
3. Nso eti ifet ke mme Jew ekenyene?
4. Emi owo didie, unana edinen ido nnyin ayarade owut edinen ido eke Abasi? (Ñwed Mbon Rome 3:5).
5. Eda nso etebe mme Idut (Gentile) ikpe?, mme Jew?
6. Nso idi ntak emi Israel mikenyeke edinen ido?
7. Anie ke eketiñ ebaña nte itiat iduọ emi ekenimde ke Sion?
8. Eketiñ ikọ emi ebaña anie “Baba owo kiet eke enende iduhe, baba owo kiet?”
9. Nso ke ibet ada edi?
10. Nso ke Jesus akanam emi ibet mikekemeke ndinam?